



**NEGERI SABAH**

[No. Bil. JKM: C.501/13/3.Jld.7/(54)]

**PEKELILING PERKHIDMATAN NEGERI SABAH BIL. 1/1990**

**PINDAAN KADAR BAYARAN ELAUN KHIDMAT AWAM**

1. TUJUAN

1.1. Tujuan Pekeliling ini adalah untuk memaklumkan pelaksanaan kadar baru bayaran Elaun Khidmat Awam sejajar dengan keputusan Kerajaan Persekutuan seperti yang ditetapkan dalam Pekeliling Perkhidmatan Bil. 3 Tahun 1990.

2. KADAR BARU

2.1. Kadar baru Elaun Khidmat Awam bagi pegawai tetap, sementara, kontrak dan sangkut adalah seperti berikut:

Jabatan/Kementerian, Badan Berkanun dan Kuasa Tempatan Negeri	Kadar Sekarang Sebulan	Kadar Baru Sebulan
<b><u>Kumpulan Gaji</u></b>		
A11 dan A12	\$250.00	\$300.00
A13 hingga A30	\$125.00	\$170.00
B1 hingga B16	\$075.00	\$115.00
C1 hingga C20	\$045.00	\$080.00
D1 hingga D47	\$035.00	\$065.00

2.2. PEGAWAI SAMBILAN

2.2.1. Pegawai Sambilan adalah juga layak dibayar Elaun Khidmat Awam seperti di perenggan (2.1) di atas. Walau bagaimanapun Pegawai Sambilan tidak layak menerima Elaun Khidmat pada hari mereka tidak bekerja termasuk hari kelepasan atau cuti am. Elaun Khidmat yang dibayar adalah berdasarkan kadar sehari seperti berikut:

Kelulusan Akademik	Kadar Elaun Khidmat Awam Sehari
a) Ijazah ... ..	\$6.30

b) Diploma, Sijil Tinggi Persekolahan		\$4.25
c) Sijil Pelajaran Malaysia	... ..	\$2.95
d) Sijil Rendah Pelajaran dan kelulusan kelulusan yang rendah daripada Sijil Rendah Pelajaran		\$2.40

2.2.2. Bagi maksud perkiraan Elaun Khidmat Awam atas kadar harian bilangan hari di dalam sebulan adalah 27 hari. Perkiraan Elaun Khidmat Awam bagi pekerja sambilan di atas kadar harian adalah berdasarkan formula seperti berikut:

a - (y x z)

- a        Kadar Elaun Khidmat Awam sebulan
- y        bilangan hari tidak bekerja iaitu bilangan hari bekerja ditolak daripada 27 hari
- Z        Kadar Elaun Khidmat Awam sehari

### 3. **PERATURAN PEMBAYARAN**

3.1. Elaun Khidmat Awam boleh dibayar apabila seseorang pegawai bercuti bergaji penuh. Jika pegawai bercuti separuh gaji, Elaun Khidmat Awam yang layak dibayar adalah separuh daripada kadar elaun yang dilayakinya. Pegawai yang ditahan kerja oleh Pihak Berkuasa Tatatertib dan dibayar separuh atau sebahagian daripada gaji bulanannya, adalah juga layak dibayar separuh atau sebahagian daripada Elaun Khidmat Awam mengikut nisbah yang sama dalam, perkiraan gajinya. Elaun Khidmat Awam tidak boleh dibayar bagi tempoh pegawai bercuti tanpa gaji, dikenakan hukuman oleh Pihak Berkuasa Tatatertib supaya dilucut, hak gajinya, digantung kerja atau dibuang kerja.

### 4. **TARIKH KUATKUASA**

4.1. Tarikh kuatkuasa kadar baru Elaun Khidmat Awam adalah mulai 1 Januari, 1990.

### 5. **PEMBATALAN**

5.1. Dengan berkuatkuasanya Pekeliling Perkhidmatan ini, maka perenggan 5.2.1. dan 5.2.2., Pekeliling Perkhidmatan Negeri Sabah Bil. 4/1982 adalah dibatalkan.

### 6. **Am**

6.1. Ketua-ketua Jabatan, Ketua-ketua Pengurusan Badan-badan Berkanun dan Kuasa-kuasa Tempatan adalah bertanggungjawab untuk melaksanakan peruntukan-peruntukan di dalam Pekeliling ini. Sekiranya terdapat sebarang keraguan, penjelasan lanjut hendaklah diminta dari Bahagian Gaji, Elaun dan Pencen, Pejabat Perjawatan Negeri, Jabatan Ketua Menteri.

Sekian.

**"BERKHIDMAT UNTUK NEGARA DENGAN BERSIH, CEKAP DAN AMANAH"**

(DATUK S.P SIPAUN)  
Setiausaha Kerajaan Negeri.

Diedarkan: Semua Setiausaha Tetap Kementerian.

Semua Ketua Jabatan Negeri.

Semua. Ketua Badan Berkanun Negeri

Semua Ketua Kuasa Tempatan.

s.k. Bendahari Negeri,  
88595 Kota Kinabalu.

Pengarah Audit,  
88990 Kota Kinabalu.

Setiausaha Tetap,  
Kementerian Kewangan,  
88593 Kota Kinabalu. (Surat tuan bil.: FC. 1103/79/3 XI/208 bertarikh 9 April, 1990 dirujuk)